

ten und de gemeene Landen tusschen der *Eemse* und *Iade* dor vorgeeroerte hochdrencgende nooth und ewigen vorderff vor tho kamen enen Potentaet und Overicheit aver sick tho erwehlen und aen tho nemen bewagen, und nach dem *Focco Uken* mit syne vorwante fruntschap de overhant begunde tho krigen, und de gemeene Lande, geestlich und werltlich ock sine wreetheit besorgede, der orlake und mehr anderen sinnen de gemeene man, und idtliche van Adel uth hochdrencgende nooth den ander partyen tegen *Focco Uken* bygefallen, und sinnen de Prælaten und de gemeene Landen, als *Norder*, *Harlinger*, *Broeckmer*, *Auricker*, und itzliche in *Emfigen* lande mit een ander eenradich gewurden und hebben *J. Edsard*, *Enno* tho *Greetzyhl* lohn, thom eersten vor eenen *Potentat* und *Oversten* over sick tho regeeren erwehlet und aengenamen. Und dewyle genante *J. Edsard* enes freedlamigen gemoets, ock dar beneven een strydbaer helt tegen syne vianden beroemet, und wieder vernamen, dat ohne de *Fortuna* und geluck deenen walde, hebben se ohne daer na vor eenen Heeren gekahren, und mit ohne tegen *Focco Ukens* den ander partyen byval gedaen, und heft genante *J. Edsard* dar up mit den van *Hamborch* und ander *Osterlichen* Steden gehandelt, de im lande gehalet, und sick daer mede als volget verbunden, und voor eerst *Emden* ingenamen, und *Focco Uken* und syne vorwante vruntichap daerna uth den lande verdreven. Wo averit de Prælaten und de gemeene van Adel sampt de gemeene Meente in *Oostfreeslant* allenthalven tusschen der *Eems* und der *Iade*, desgeliken ock de *Westfreesen* durch erwehlung der Potentaten, Heeren, und Overicheiden by ohre belovede Pryvilegien, Vryheiden, und gerechticheiden gebleven, und wo vor eerste *J. Edsard* tho *Greetzyhl* by synen levende geregeert, und daer na syn broeder *Grave Ulrich*, by welcker regeering durch den hillick mit *Frouw Teden Focco Ukens* kindes kind de Landen tho eendrachticheit gekamen, und wo de *Gravinne Frouw Teda* na ohres Heeren *Graven Ulrichs* doot wente an ohren sterffdach mit groter wysheit geregeert, und wo vele kryge se mit den *Oldenborgeren* und *Naber Heeren* gevoert. werd men in dussen nafolgenden tweden *Bocke* datter *Chroniken* overvloedich vernehmen.

Woe *J. Edsardt* als he tot een *Overicheit* erwshlet den vorigen

Cont.